



ავილირების წესი

მუხლი 1. ტერმინთა განმარტება

ა) **ავილირება** - ავილირება გულისხმობს, უნივერსიტეტსა და აკადემიური თანამდებობის მქონე პირს შორის წერილობით შეთანხმებას, რომლითაც თითოეული აკადემიური თანამდებობის მქონე პირი განსაზღვრავს თავის ავილირებას შპს ქართულ-ამერიკულ უნივერსიტეტთან, მისი სახელით მონაწილეობს საზოგადოების განვითარებისა და ცოდნის გაზიარების პროცესებში.

ბ) **ავილირებული აკადემიური პერსონალი** – აკადემიური თანამდებობის მქონე პირი, რომელსაც უნივერსიტეტთან წერილობით გაფორმებული აქვს ავილირების შეთანხმება.

გ) **ავილირების შეთანხმება** – წერილობითი შეთანხმება, რომელიც გაფორმებულია უნივერსიტეტის და მის აკადემიურ თანამდებობაზე მყოფ პირს შორის და განსაზღვრავს მხარეთა უფლება-მოვალეობებს შრომითი ურთიერთობების და ავილირების შესახებ.

მუხლი 2. ზოგადი დებულებები

1. უნივერსიტეტის ავილირებული აკადემიური პერსონალი შედგება ავილირებული პროფესორებისგან, ავილირებული ასოცირებული პროფესორებისგან, ავილირებული ასისტენტ-პროფესორებისგან და ასისტენტებისგან.
2. უნივერსიტეტის ავილირებული აკადემიური პერსონალის უფლებები და ძირითადი მოვალეობები დაწვრილებით არის მოცემული ავილირების შეთანხმებასა და უნივერსიტეტის „აკადემიური/სამეცნიერო/მოწვეული პერსონალის სამუშაო აღწერილობასა და მათი შეფასების წესში“.
3. ავილირებული აკადემიური პერსონალის სამეცნიერო/კვლევითი საქმიანობის შედეგები, ჩათვლება მხოლოდ ქართულ-ამერიკულ უნივერსიტეტს, მიუხედავად სხვა უმაღლესი საგანმანათლებლო დაწესებულების ან/და ორგანიზაციის/დაწესებულების მხრიდან მათი მხარდაჭერისა.
4. ქართულ-ამერიკული უნივერსიტეტი უფლებამოსილია ავილირებული აკადემიური პერსონალის მიერ სხვა საგანმანათლებლო დაწესებულებასთან ავილირების გაფორმების შემთხვევაში შეუწყვიტოს მას ავილირების შეთანხმება და ასეთის არსებობის შემთხვევაში მოითხოვოს ზიანის ანაზღაურება.

5. უნივერსიტეტი ხელს უწყობს აფილირებული აკადემიური პერსონალის სამეცნიერო/ კვლევით საქმიანობას.

მუხლი 3. უნივერსიტეტში არჩეული აკადემიური პერსონალის აფილირება

1. პერსონალი, რომელსაც წინამდებარე წესის ამოქმედების მომენტისთვის უნივერსიტეტში უკავია აკადემიური თანამდებობა უფლებამოსილია, უნივერსიტეტის ნების გათვალისწინებით, გააფორმოს აფილირების შეთანხმება უნივერსიტეტთან.
2. აფილირებული აკადემიური პერსონალი უნივერსიტეტთან შეთანხმებით უფლებამოსილია სხვა უმაღლეს საგანმანათლებლო დაწესებულებაში დაიკავოს აკადემიური თანამდებობა და განახორციელოს სწავლება პროპორციულობის პრინციპის დაცვით.

მუხლი 4. აფილირების შესახებ შეთანხმების ფორმა

უნივერსიტეტის აფილირების შესახებ შეთანხმების ფორმა მტკიცდება პრეზიდენტის ბრძანებით.